

吳學士詩集

序

嘉慶初東南文學鼎盛而吾全椒江皋小邑絕然大邦交繁  
敦之會海內不以等邾莒則吳山尊學士掉鞅詞壇以第一流  
負名世之譽也惟時經學有先伯父近泉公海門公及先大夫  
詞章有金櫨亭汪存南諸先生皆學士所斂手推敬尤前賢之  
虛已爲不可及者先大夫教授吳氏有年學士說經之文非先  
大夫審正不以示人惜乎零落鮮有存者嘗貽先大夫楹帖云  
五代史才傳舊學一門經術負時名又云味經得雋如甘露談  
藝無欺見古風蓋紀實也學士愛女歸先侍御兄申以昏嫺兩  
家之誼益合而學士旣歸道山楹書散失殆盡駢文叢彙仲兄  
得之敝篋詩彙數卷則仲兄從學士日記中手自繕寫夕葵書

屋刻集不可見所以傳學士者僅止此本名山之藏藝林歎想雖以張南山太守搜羅之富而詩人徵略亦謂未見全集也王蘭泉侍郎曰山尊胸藏二酉力富五丁詩以韓孟皮陸爲宗鬪險盤空句奇語重張太守則曰慷慨任氣磊落使才僅於選本中得其一鱗片爪蓋自朱文正孫伯鼎諸巨公以次推服學士無異辭時雨生晚不獲奉手名賢而庭聞有素誦仲兄寫本於今四十年矣仲兄以清宦十載又丁戎馬之閒元文之託侯芭論衡之付伯喈比兄歿又二十年而猶未顯於世南海梁檀圃方伯同年景行先喆索藏本付諸黎棗以副學子爭先快觀之心而吾仲兄未竟之志亦以大慰且可以補益方伯鄉先達張先生之書誠藝林盛事也學士駢儷文尤瑰異朱文正所謂合

任昉邱遲爲一手者去年

時雨

門下士譚廷獻宰全椒就仲兄

藏本審定敘錄凡四卷其言足以識學士之真今方伯並刻之  
合之遺詩雖未極學士撰著之富而亦可以畧觀大概云

光緒七年龍集辛巳嘉平月朔世嫺後生辭時雨譔

吳學士詩集目錄

番禺梁肇煌檀圃編訂  
全椒薛時雨慰農

五古

江戶曹漣屬題程君左園風木圖詩

題明萬大中丞象山公像

歸自金闔雨中園居和陶山先生郡齋宴集詩用韋蘇州

韻

題揚州鄭氏拜墓圖

題蔣伯生蘿莊圖

甲子秋中過祁陽與譚大尹簑圃震同年訂浯溪之游今

來不值作詩寄懷

湘江舟中卽事

展墓

題陳傳經靜嘯山房圖

題韓桂船同年風木圖

十年前次第作前後團扇賦頻書以贈同心今年家退旃  
銀臺弟見而笑曰子再書舊作不畏人譏才盡乎乃盡  
用古詩句續成五首以解嘲

西園十一詠并序

繡女祠分賦

題大滌子松菊猶存圖有淵明先生像

題夏詞仲桃花春水渡江圖是夕卽與琴臨同赴揚州走

筆識別兼致盛年脩業之勛

題秦某畫冊

次雪齋和尚韻

題王簪山同年憶舊游圖

追和東坡歲暮詩三首

餽歲

別歲

守歲

上章再和前韻意有所觸賦此答之

餽歲

別歲

守歲

包慎伯示讀文正師手札並贈詩次韻書尾

題蔡月潭所居圖

驟雪

放生示同志用東坡先生岐亭韻

掩關示同志再用前韻

示兒子西安三用前韻

過六合訪汪紫珊不遇四用前韻

紫珊索綠淨園詩五用前韻

煎茶同上章弟作六用前韻

題上章詩集後七用前韻

題程之章畫冊八用前韻程同里人有異才以貧棄學故進之

柬王鶴嶼九用前韻

書蔣清容丈詩集後卽寄秋竹藕船兩兄十用前韻

贈沈廣文

起鳳

十一倒用前韻

題張雪鴻丈

敬

畫冊並贈十二用前韻

寄呈都轉賓谷先生十三用前韻

寄家弟弋眞余與弋眞別於揚州余歸又將北行而弋眞

未有歸期也十四用前韻

客揚州以素冊十幅寫賓谷先生集中詩意自跋一首

題賓谷先生西溪漁隱圖

題賓谷先生賞雨茅屋圖

題賓谷先生游攝山圖次原用江總持游攝山韻

賓谷先生戒作詩師退賦三百二十言請開戒先生答詩亦三百二十言多押強韻所謂於艱難中出奇麗詩中云賓谷非魯連誰與解睚眦殆將起懦夫而教之戰也不揣不敏並用兩詩韻上先生兼示師退

平陽范氏三世節孝詩

題畫山水

題畫梅

夏蔬四首

東坡生日禮像賦詩

題邵瑤圃前輩黃葉林中自著書圖卽送其歸餘姚

題家玉松先生雲歲除游虎邱山寺圖

不灰木爐

闕題

右詩目一

七古

醉竹辭爲家穀人師作

題文姬歸漢圖

題游黃山圖

梅瞿山消夏十二景畫冊中有夢雪一幅意境幽冷同人

盛暑小集擬賦明湖夢雪詩以解熱懷

鄰賣婦

揚州顧孝子

樞像

六月十二日宋黃文節公生日招客精進心庵瞻禮遺像  
會者二十四人以集中再贈高子勉之第三首句法俊  
逸清新詞源廣大精神建安才六七子開元數兩三人  
分韻賦詩余得才字

聽藹之先生彈琴

楊米人

和

兄宰武邑天旱有老農自稱能祈雨累几爲臺

誦經其上三日雨作爲圖來索詩

題慶蕉園方伯泛月理琴圖

訪舊白門寓淵如五松園邢醴泉以姚先生姬傳書元遺

山題赤壁圖詩索改次韻書尾

題巴禽籍小照

題王鶴嶼移居第二圖

題某節婦事

題畫

題汪月樵萬松堂觀月圖次芸臺師韻

題女史白飛卿畫花卉

題張二桐琴行看子

題汪郎中浣雲濯足萬里流圖爲陳理堂同年作

六月廿一日與客賞荷酒後放歌

秋日館湖上題劉文清公梁山舟學士王夢樓太守三君

書長卷

題秋林圖

題沙塘祠屋手卷爲韓桂舫同年作

洪母董宜人七十壽詩

題宜興李氏三忠事蹟考證後

永和銀杏詩

席中卽事

題葉雲谷柳波送別圖

金亞伯孝廉脩其九世族祖明僉事對峯公墓徵詩

闕題

醉翁亭訪歐梅

文信國公綠端蟬腹硯歌爲賓谷先生作

秦夫人良玉錦袍歌爲蔣師退題

題顧閔中畫韓熙載夜宴圖

吳越忠懿王金塗塔歌爲朱石君師作

韓城太傅致仕後留都下召見養心殿命扶杖入宮門南  
厓師相有詩紀之命門下士同作

題禮烈親王克勒馬圖

題桓伊吹笛圖

題沈小如觀察 長春 章武拯溺圖

嘉慶四年琉球國嗣子請封明年李墨莊中翰副趙介山  
殿撰奉使其地肅爲文張之中翰報以琉球紙二種其

杯一具翼日以杯飲之且侑以詩

與劍潭同事闡中限於例不得見月下露坐對牆外諸山  
樂聲方作用坡翁催試官詩韻寄懷坡詩中有劍潭字  
卽以戲之

再用東坡試院煎茶韻謝菊溪前輩饋荔支酒

題瞿花農洞庭泛月圖卽送其之官杭州

題黃山雲海圖

麓泉爲說平話之陳蘭舟索詩走筆贈之

題封薇垣小照

分龍行家穀人先生命作

題趙大年江鄉消夏圖

題襟館種梅同人賦詩各以其姓爲韻

五月五日汪樓亭先生邀客奎光樓賞雪賦詩用東坡聚  
星堂雪詩韻竊以從弟幸喆招飲未與翌日馮鑄川五  
雲兩先生以詩見示率步三章仍仿禁體

西蜀李心泉先生宰吾邑數月清節嶄然誦聲大作竊竊  
擬今之爲廉吏者不受作孽錢輒負氣任性不畏人言  
傷人實多其爲儒吏者終日語言文字許與氣類或可  
逃庠塾清議而於一切興利除害之事一概不問民間  
亦安賴此介介自守逃官謗遇訟獄殃我之父母哉朝  
廷又安用此敦詩說禮不知民間疾苦之書生哉先生  
昭質無虧素抱克完如玉潔冰晶去官在行館客至以

數十謁蚨買市脯爲供而聽訟察事虛心採訪和平中正吾鄉人悍者不敢欺弱者自信理必得直皆如其意以去受責者囹伏好論文喜下士鄉會試不能成行者典質贍之而愛民如愛土無畛域故於侯之行同聲誦聯襁攀臥不止士林也百廢俱舉修北門迎恩樓尤其著者工不知役商賈薦紳不傷財此史所謂循吏而非自負爲廉吏儒吏者所能彷彿也昔先世父愛棠先生令無錫有惠政將去時翰林前輩鄒小山先生爲攀轅圖以誌眷戀今吾鄉人復仿爲之而索余墨其上方乃爲七言柏梁體一章貽之俾歌以侑祖席之康爵

黃孝子歌

題南樂訓練圖

右詩目二

五律

平湖秋泛夜歸偶成

春晚獨居

秋雨獨居感前事作

焦山次稚存韻

參寥閣再次稚存韻

題梁星子陵茗精舍讀書圖

初冬客館

題盧葵生古榆書屋圖

壽尤水村八十

贈汪艾塘時余有邗上之行

題雪齋和尚尋梅招鶴圖

冬日卽事

客揚州飲周炎席上卽送其入都

雨中泊浯溪登山訪漫叟亭臺遺址讀摩巖碑禮顏公祠

雨後泛舟

出都過壽張見桃花

揚州寓館甫定

秋初

傍晚登園中臺

與銘粲和尚話舊

題劉臥松

習贈劍圖

吳下重脩泰伯墓徵詩

柬張萼樓四首

喜蘭雪至

寄贈方有堂觀察

積

送胡遜之任蔚州

游鄭邸山林

送穆興齋藩浙

友人以千木齋帖索跋且以一本見贈

年家子杜喆以其六世祖明方伯公像屬題

秋日湖上居

初夏途中卽事

中秋同珊青作

曼生將歸倚裝作畫爲別題五言二首

寒店

右詩目三

七律

次石君師奉 命教習已未庶常授書韻

侍石君師坐再呈二首仍用前韻

再疊前韻呈那繹堂師

古意三首呈賓谷先生

生日雜感

登揚州南樓

贈楊荔裳方伯

題淵如舉帷圖

壬戌上元後一日萬和圃學士

承風

家鑑庵編修

烜

招丁

酉同年小集卽事賦呈四首

壽費筠圃相公七十

書秋影閣詩後

船山寓吳中病瘧訊以詩兼仿其體

輓素谷和尚

湖上卽事

闕題

邦上同桐生數峯小集次桐生韻

孟慈以授經圖屬題三年矣懷先公執友之誼感並世孤  
露之身展卷悲來久未報命今將計偕枉別次冊中芙  
初韻奉題

瓜州晚渡

贈黃竹雲茂才

復堂都轉與余交最舊別三年而余以危病復起相見於  
邦上得五十六字復堂或亦賞其深於寄託而不律以  
詩格乎

題孫淵如五畝園

謝李松雲前輩枉過

送同年陳新畬巡漕畢還朝

題虎阜倉聖祠次淵如韻

初三日晚晴補和鄭堂元日雪中詩

寒雨喜淵如至

雪中聞諸詩僧有作

已已歸養得請拜土橋先塋敬賦

侍先太淑人柩於席舍夜不戒寐賦此示次兒西安兼寄

諸妹城中

送洪稚存戍邊

里居喜聞稚存赦還

送陳恭甫同年典試中州

湖上送春

同劍潭太守雲伯大令梅叔明經湖上觀荷

訪屠琴鵬眞州

吳下遇查子干

爲蕉園方伯刻文端公游攝山詩成次韻書後

贈廖復堂都轉

闕題

女蘿同穀人師賦

奉酬端厓夫子贈別之作卽次其韻

病中再用前韻呈端厓先生時先生以按試過全椒薰拜

見於行館

將赴皖乞屏履之資於端厓先生三用前韻

將赴石君師之招汪二

履成

有詩贈別四用前韻酬之

贈曹學士

德華

兼索其畫五用前韻

送梅

衛滑蕩平同家穀人先生賦詩志喜兼寄那繹堂師四首

簞山先生同年督漕北上途次賦詩見懷依韻奉答

再疊前韻奉贈兼懷湛泉觀察

簞山先生于役南回過揚州不一見三疊前韻奉柬

追題徐條甫師虹橋秋禊遺照

酬蒲快亭寄懷之作卽依其韻

廣省堂中丞述職入都枉過紫陽書院捧袞道舊賦此奉呈

送淵如觀察岱南

闕題

早行題壁

次韻酬蔡芷衫丈

唐花

書船山詩集後次琢堂前輩韻兼寄鮑樹堂太僕

有問船山詩論定當何如者疊前韻答之

歲暮雜咏和裴山前輩韻

掃塵

祀竈

酬神

打鑼鼓

畫歲朝圖

貼門聯封條

門神

買唐花

餽歲

守歲

新年雜咏

迎喜神

書紅

拜年

團拜

打春

請年酒

游肆廠

稱人

燒火判

鬧元宵

除夕次韻示增壽甥

元旦再次韻示之

喜益齋新藩楚北

闕題

辛未九月旣望子千子命酒梵福樓下索詩識之適女弟  
子歸佩珊以詩贈抑庵夫婦因次韻二首一謝子千子  
一呈伽音夫人

張子瀾茂才示讀許秋巖漕帥上元清燕門生詩次韻二  
首慰子瀾兼寄漕帥

題龔平甫獨立圖

答重三

用金童子韻贈別筠莊方伯同年

題張仙槎自寫泛槎圖卽次其韻

闕題

余新葺西園在水一方亭同時鄰院尹聿脩道士亦葺臨

水小閣索詩題壁

持庵舉進士賦此賀之

與補帆同飲湖上卽事

山舟侍御以先集見示兼贈新詩次韻奉答

汪月樵明府與諸名士集桃花庵浮筠舫作延秋社有詩

見示卽次其韻

題錢舜舉畫樂志論

王家營晚發

眾興道中

車中

陸南村遣人來邀以詩先之

訪南村郡齋握手道故悲歡交集南村與余在都時均酒  
中大戶南村尙能盡巨觥余不能矣再次前韻

見青雲山

入沂州城訪墨池書院昔與桐生未谷題名處

九日

北上將訪伯生於祝阿以詩先之

飲董初吟館有作

冬仲南還再過董初吟館次韻

伯生以所藏淵如像屬題且示遺札四冊

爲伍詒堂題淵如像

庚辰正月十三日胡城東過飲卽次見贈原韻

七月八日曉起書扇贈小山兄弟兼系以詩

金山感舊

游金山之後二日將游焦山舟中與稚存同作

小飲贈論園兼示兩觀察

方素田南歸晤於邗上

詞客

春初辛梓小集呈午橋柔兆東復絲五枕山五用前韻  
柔兆和余近作語多過實次韻答之

闕題

謝安石祠堂古樹圖

冬日過望梅亭

宿焦山作

魯若侯表甥初捷誌喜

題江園晉甘敬侯墓碑記

立夏後六日家穀人師命同仲符觀察漪塘農部桐生劍  
潭兩太守琴臨大尹集桃花庵看牡丹送竹泉漕使還  
朝分韻得衣字

張濱洲同年招飲卽席賦此

次寓齋題壁韻

右詩目四

七絕

次韻題胡城東六安溝小泊圖前二首詠去秋南歸事也  
題朱竹垞煙雨歸耕小影爲曹儷笙通政作

金山感舊

闕題

楊竹閭畫山水見贈且系以詩次韻答之

游仙詩

題蘇武牧羊圖

題竹庵古樹圖

京邸卽事

爲家思亭題復園雅集圖次韻事在乾隆甲子一時名流

如金壽門齊次風諸君皆在園久荒廢圖入思亭手各  
爲小傳以系之

將有行題內子畫梅

自題畫竹水仙

題淵如王夫人遺墨

闕題

內子得阿兄書檢行裝歸園余勸其待秋水至盡室東歸  
並調淵如仲璿兄弟

闕題

題汪蛟門少壯三好圖

題衡山畫京口山水卷贈蕉園方伯

待風金山下雨大不能登山乃屬郭香生寫圖便面寄蕉

園方伯并系以詩

題馬湘蘭畫蘭

雪中得鄭堂書書其後示同人

遊春曲

順河集卽景

江上書所見

題明東林三賢尺牘

趙忠毅公

楊忠烈公

左忠毅公

家問梅畫扇見贈題詩述懷次韻慰之前二首則自諗也  
客游宦游踰卅年重游琅琊且出山有日矣夏雨夜作借  
榻繼宗和尚齋中晨起以梅峯老和尚小像屬題時梅  
峯坐化已久走筆應之蓋不勝身世之感云

題甘夢六桐陰小築圖次惜翁韻

右詩目五

吳學士詩集卷一

番禺梁肇煌檀圃編訂  
金椒薛時雨慰農

五古

江戶曹連屬題程君左圃風木圖詩程之

去日如驚風頽葉下何疾落木春復青親逝見何日程君孝子  
子承家本行密竹野秋方喧孝子聲已失江君諍友友生死交  
如一旣喜堂構成又悲日月卒畫家善寫秋天地爲蕭瑟詩人  
善言悲誦者聲淚溢漪塘題詩極  
悽雅之妙我亦失怙人椎牛拜幽室晨  
風數矢音誓墓言可質

題明萬大中丞象山公像

像爲其五世孫光燁所藏光燁  
云其家書畫皆失於賊獨此像

存

正氣無盛衰興亡或有數何代無神羊豺狼並當路勝朝害言  
官湯火乃甘赴白簡昨夜霜性命今朝露廷杖生者希最輕亦  
遣戍萬公七十疏竟未逢寔怒乃知可死心有時天亦護江陵  
不容人歸計何可暮江湖憂國同且逃媚嫉惡遺像肅清高展  
拜幸遭遇子孫能述德諫草不可蠹未化神物飛爭請黃金鑄  
歸自金閶雨中園居和陶山先生郡齋宴集詩用韋蘇州

韻

高竹碧尚籜早荷青已香柴門掩暑雨暫得心清涼昨過寓鶴  
館昔爲君子堂浮蹤惜闊落古歡增凱康仕隱何必同會合那  
可忘官齋啟文讌珍羞數同嘗食苹鳴鹿呦寄我笙瑟章海濱  
多聞鷗不得同翱翔逖聽中和詩令譽盈耳洋善保匡時身百

年誰獨彊

題揚州鄭氏拜墓圖

鄭氏世篤忠義崇禎癸未進士名元勳者值國變率鄉人守城甚力史忠

正公奏參軍事得旨授兵部主事未拜官死於流言

尋親面可識求墓迹易誤何況易代初兵燹失封樹兩世痛徹  
骨天知不待訴本憐烈士魂空山亟持護禁爾樵牧侵時遭山  
君怒又導烈士孫岐途若逢故一叟言其地一叟示之路人耶  
鬼神耶訴合理森布行旅望孝陵宮殿莽榛霧古來小朝廷短  
迫極明祚闕部有疊山同仇不及賦孤忠困羣疑溝壑志有素  
詎料不朽身終與孫曾遇一坏萬山重大節金石固獨惜收骨  
人青史名未附名家祀歲時配食理宜具乾坤自崢嶸忠孝共  
搢拄海內願鑄金匪第雲仍慕昨我酒一尊獨奠梅花墓

題蔣伯生蘿莊圖

蘿莊者其先德令汶上時所置也卒官後貧甚售之他姓伯生作園里中頗具

水石不忘先業輒作此圖

清宦無樓臺薜蘿盈數畝邦人比棠陰卅年護惜久我昔榻其  
間凍雲白生牖忍寒同苦吟溫以酒一斗別來日輪馳夢倚門  
前柳公子亦廉吏心能素風守荒莊非平泉樹石他人有故鄉  
得名園池館亦不醜時時憶初地如懷契闊友丹青乞畫師重  
游舊林藪感茲珍重意久要定不負

甲子秋中過祁陽與譚大尹篋圃

震

同年訂浯溪之游今

來不值作詩寄懷

憶我初過君趨公罷尋幽君爲誇浯溪邀我重來游川途謝炎  
景畢役已深秋禮佛登湘山買棹乘湘流風雨靳奇趣六日及

永州蘭橈又百里夾岸徑未搜詰旦笑口開冷翠窗閒浮艤船  
陟層坂石梁通蟠繆仰視不見頂墜石欲打頭先讀中興碑卒  
篇風颼颼作者與書者其人名山侔匪獨文字雄忠孝滄桑留  
頌始勵圖終鐫之告用休山林厪廟謨兩公非巢由行登亭與  
臺高曠不可收九嶷何茫茫俾我思悠悠遙知兩公心升高增  
百憂君門隔浮雲西望窮雙眸

昨來犯餘暑茲行及深秋旣感日月徂復此山川悠王事昔方  
殷歸程今稍留溼霧晦遠巒回風偃近洲遂沿層磴折直挹孤  
頂修澗叟舊臺上古今如在眸微雨不能霽況濯湘江流惟有  
九嶷山惝怳不可收似我素心人有約阻未酬飛鴻亦何爲雲  
中聲不休此地踰衡陽得無遠道憂感物勞我思獨往轉夷猶

下山讀豐碑作者久山邱忠孝耿餘慕匪貴林壑幽寄言崇令  
名伐柯則可求

湘江舟中卽事

疾風舟如簸客行不可休正如躁進者熱中樂其憂奴僕命微  
賤鼓掌樂中流又如壅腫吏是非聽羣咻日暮慙將作兼程趨  
前郵此如戀棧人富貴營白頭嗟乎千金軀一壺圍易求傾側  
象易成蹈險不可收我弱無膽氣江湖嗟遠游所幸王程寬使  
者得自由奈何川涂閒惟與奴僕謀欲速則不達胡勿稍夷猶  
不念白髮人登陟屢遠憂所與苟不臧一敗誰能鳩寄語爲人  
子印須慎同舟

展墓

藹藹郭外原茫茫原上霧中有皋魚聲不待感霜露春田有宿  
草秋林無靜樹採蘭非陔南椎牛一何暮上冢經無文古哲不  
脩墓所幸佳城安封殖亦云固夕陽望青山樵風送歸路卻聞  
烏啞啞啣食正反哺

題陳

傳經

靜嘯山房圖

陳時客京師山房其祖司寇公所  
築

孫公鸞鳳聲迢然在寥空如何旅城市有人弄松風仙家慕冥  
寂世外託疏桐丹青寔臥遊高林緬蒙龍公得遭太平呼侶謝  
冥鴻雅頌章未上廟堂閒笙鏞索居偶發響此聲兼清宏知音  
不可求高歌一已終存此坐嘯意故山青濛濛

喬木陰森森門基千餘仞遐哉出世心天雲與孤峻先公昔早  
休林下未霜鬢膚寸雲有餘歸爲木石潤時尋簔笠子田閒誦

堯舜嘯歌導太和可作木鐸狗草堂巋然存貽穀貴難進之子  
念堂構儀德真鳳麀矯然戒掃門清風爲俗鎮我來聽其真金  
石聲勿吝

題韓桂舫同年風水圖

東南好山水吳山更奇麗那知白雲叢中有孝子淚孝子今名  
臣趨公辭其親辭親又辭墓沉痛何由陳佳城良復佳幽明同  
一處君自記墓田圖云高曾墓皆逼近遺命也猶有報國身匆匆趨公去墓木年年  
長山風日日來兒官日益崇親去不可回昔年辭親去庭誥勗  
忠勤今日辭墓行斯語不可聞勸君且莫悲忠孝皆大節君但  
爲名臣九原不惜別含斂事未親春秋祭不與兩者與君同哀  
哀夢廬墓君方爲名臣馳驅大業樹我乃荒於游自問不可恕

十年前次第作前後團扇賦頻書以贈同心今年家退旃  
弟見而笑曰子再書舊作不畏人譏才盡乎乃更用古  
詩句續成五首以解嘲

團扇復團扇明月美人面明月缺復圓美人久不見  
團扇復團扇金釵碧玉釧動搖時相依多情似雙燕  
團扇復團扇不怕秋風換分手止半年又作采蓮伴  
團扇復團扇離合歲各半篋中仍傍君妬煞同心院  
團扇復團扇深宵不敢倦要使別離淚少於紗衫汗

西園十一詠

并序

往者嘉慶丁巳戊午間余奉母從南城曾大夫於揚州  
大夫爲假館於西園有湖山之美亭臺之勝老母樂之

已未通籍廁史職不敢奉板輿遠行庚申乞省墓假送  
老母歸里甲子母遣婦與最小孫眎兒京師戊辰同懷  
弟寅卒於里中余遂乞養歸先廬在全椒者隘兒輩次  
第授室妻孥南還無一椽之庇過揚州長白阿大夫再  
假西園居之園主人鮑又增觀察余年家子也理蕪苴  
罅增置樹石勸余久居此老母聞而欣然欲來旣慰白  
髮舊游之思且揚在江淮閒他出負米南北皆便省休  
園全椒墓田亦邇賓客生徒譽之以爲欲界中神清之  
洞因分題其亭館各系以詩期適我者和焉

芒角那可少此君心太平風雨安如山怒雷催旁生飽食弄其

雛青鸞翔前楹

竹平安館

老櫨高無枝得地生也直因樹爲虛亭不藩亦不飾顧我詩境  
濁坐惜斜陽色

綠櫨野屋

十年別江南夢中好鳥榜不歸且浮家何必五湖長白蘋與招  
魂騷人來亦儻

登白蘋舫

草心戀白雲葵心那遽夕故人知我心君親恩罔極攤書時一

登遠矚兼西北

白雲紅日水邊樓余撫此句題寓園之樓同年貴仲符觀察以爲寄託深遠敝邑在揚州之

西時太恭人在堂

依然聽雨處更無聯床人閒房不忍開三年積芳塵覓句忽失

聲春草空復春

春草閒房弟寓此五年亡

背湖而面池此如洲可居賓客皆好生臨流不窺魚草堂非鷗

波幽盟尚如初

小白鷺洲

水曲廊亦同沿廊長芳杜門前秋未來野水送梅雨繞廊鑑吾

心不競亦不腐

秋水廊

彈蕉自公惡悅松非苟容勝友良可惜暴秦乃能封修竹勵姱

脩歲晚固相從

悅柏亭

天上風月好一枝下廣寒何必求神仙山中居之安故人白招

隱吾方賦考槃

桂阿

朝憇藉蘭芷暮宿侶鷗鳬如何浩蕩游稜立非無隅忽然一波

圓元鑑知有珠

在水一方亭

誦詩感差池伫立淚如雨速化復一雙

近得兩鶴又化去

棲神竟何所

乃知稻梁謀止可羈凡羽

待鶴徑類為船山前輩書跋云山尊有鶴攜之南北者十餘年一旦展

去屬題此識懷

繡女祠分賦

揚州府志宋高宗南渡時遭宮中繡女於此學仙得道人爲祠祀之今改爲東嶽廟

神仙竟有無入道空某某嗟哉海上航童女已老醜可憐金泉  
山貧女事然否不仙猶爲神滄桑祀誰守我來弔荒寒改祠歲  
已久宋祖營宮觀屬階始職咎道君尤好道金虎垂陽九深宮  
禮上元乃召戎馬糝衮闕補者誰山龍下殿走身賤如青衣幸  
免從行酒錢塘非故宮偏隅安亦苟自別昭陽箏長對隋堤柳  
何如漢宮人長門竟白首肯學邯鄲步甘作廝養婦宮錦不傳  
樣尚衣昔在手角冠掃靈壇蘭臺舊箕帚花藥縱萬年目斷君  
與后流離多苦心千載一爲剖斯人如可聞雪泗濕丹曰

題大滌子松菊猶存圖有淵明先生像

陶令投劾歸抗情與世絕卻詣蓮社游飲酒慕禪悅千秋有僧

伽寫此塵外轍鬱鬱喬松枝百尺聳修節下有秋菊英冷近一  
卮設高卑自殊科同臭在冰雪歸人如新知三徑已久別喜爾  
葉未改念予腰肯折形骸久已化淵明望古遙情結濁醪禮空  
齋窗外眾陰列我亦春夢醒閉門謝客熱

題夏詞仲桃花春水渡江圖是夕卽與琴鳴同赴揚州走  
筆識別兼致盛年修業之勛

君游及春華我來逢落葉說君泛棹時錦江我同涉今年三月  
蕭亦渡江  
人吳門不見君相逐如浮雲浮雲落胥浦寒潮生夜分我逐浮  
雲來又隨落潮去同君同舟人月黑問前路前路何茫茫樸學  
眞津梁桃實早有蕢賀君年方將

題秦某畫冊

作畫如作文書卷兼性情畫人如傳人其人真如生吾家道子  
後寫生誰擅名曹劉逮文仇變法而中程老蓮較晚出規矩通  
神明本是欽寄士寵辱不可驚當其下筆初千古聽縱橫易古  
出新意一一生趣呈皆由才不羈加之意匠營生氣所鬱勃天  
馬空中行吾黨有秦子後起不肯瞠君家世傳學著作光西清  
八體與六詩門業蜚菁英繪事君始爲年少覃其精瓣香在蓮  
老巧力先後并我請進鹽石相求本同聲譬之干霄竹破土乃  
其萌請讀千卷書取多用乃宏更請師造化出藍筆有羸或畫  
古衣冠羲皇與將迎或圖世外客骨相皆崢嶸妙乃在象外成  
法筌蹄輕嗟我本酒徒一舉千觴傾白頭張酒軍幾輩懾不爭  
君甫出偏師我已下崇城雪後湖上佳邀君飛巨觥酒酣興亦

身學詩集 卷一  
酣健筆十指擎緩寫海上期遲貌柱下彭寫我痺皇甫初序三  
都成

次雪齋和尚韻

老嬾詩境荒頗能悔少作時復書數言聊用識哀樂人誇書卷  
多自嫌滋味薄早休謝簪紱晚嗜在巖壑結交滿九州蹤跡殊  
落落惟有數詩僧相狎如雲鶴方外偏好古下字費斟酌相期  
舊學成願以千秋託

附原作

云何金石聲鏗然竹間作叢篠人不窺自識苦吟樂幽姿宜  
水涯高情悅林薄卽不方外游亦宜置邱壑冬雪冰時敲秋  
風葉微落落落殊寡歡皋嶼有歸鶴焦山青可招納之茗杯



水祇護王事安穩運租船越江淮河漢山翠相周旋增君續集

詩氣象有萬千 渡江圖

飽看六朝山又見香爐峯匡君乞一詩搖筆追仙蹤去君宦卅

年真面非塵容 游山圖 君初任江安糧道駐節白門旋調江西

西園有夙緣異地弄名跡君行太匆匆非我不醉客披圖生妬

心官齋盛裙屐 雅集圖 余館揚州西園前後廿年得明周東邨臨李伯時西園雅集長幅及朱元价細楷臨

米南宮記皆妙蹟也贊山枉顧齋中以春涯觀  
察招未醺辭去固知山齋設飲去官署遠甚

追和東坡歲暮詩三首

餽歲

薄游曠鄉風三年幕府佐得歸百事足悅土賤奇貨穀貴餽飪

小水渴鱸鯉大棗栗逮微賤嬌兒喜忘臥故人念我貧遽使遠

雞鳴晝如晦素心誰與論紙材與簦材交作鳳尾軒  
來風雨方在門鳳尾軒

### 驟雪

一雪乃如此呻吟四鄰同上帝固仁愛告以連宵風甕中一粒  
無敢問裘蒙茸豪家酒夜設深房獸炭紅那知凍死骨坐委落  
葉叢我亦乞食人傭筆腹能充門徑斷賓客骨肉方西東聽罷  
秋碁聲塞上無便鴻幽風戒授衣勿負天錫豐今年歲豐而江淮閒不講蓋藏故末語及之

### 放生示同志用東坡先生岐亭韻

羣命畢杯羹一飽求多汁奚翅草菅人酷吏才束涇春風回枯  
芟生理須臾得請充不忍心延此殘喘急命蓄鄭國魚看放唐

亭鴨方乳矢勿發已漏網不羣亦有姪好善食報龜眼赤亦有  
雀受飼來獻白環白臨池浴鵝衣開窗對雞幘時悟濠濮樂罔  
聞芒屨泣菰兒芥有孫足補給鮮缺好善誰不如廣告大羅客  
朝入功德林謝者夕已集

用曾魯公放生事

掩骼示同志再用前韻

野燐無駐暉薤露無凝汁千金誰自保零落春雨溼我欲問髑  
髏傷心對不得名歿鬼易餒陵谷變又急秋墳尚苦吟滿地走  
鳴鴨犬馬非同羣帷蓋費掩羣且恐多國殤血爲死事亦東風  
原野青剩此枯蓼白石榔藏不固附身空衣幘我讀醴陵文欲  
代逝者泣埋骼著月令此事胡可缺新霽山氣和白楊不愁客  
攜鑣我請先相期眾志集

江淹有爲蕭驃騎築新亭壘埋枯骸教

示兒子西安三用前韻

木佛無舍利丹經非砂汁破愚先自封谷居下惡溼良師如良  
將艱於萬金得徇華失本末陵節昧緩急不效求友鷲自負能  
言鴨學古得皮骨眞面隔重羃萬卷束不觀腹枵兩腳赤後塵  
逐齊梁高文誇甫白己居先生位未脫童子幘疾深乃畏醫塗  
岐不知泣筮辰張紗帷長善彌汝缺及此盛春秋且勿好賓客  
潛修修乃來聲聞恥雨集

過六合訪汪紫珊不遇四用前韻

寒夜昔訪君酒盡進茗汁微雪落復晴不知月色溼別來幾弦  
望好月共不得春泥沒車髀驅之訪君急十年兄弟交鴛鴦友  
野鴨對我傾肺肝重樓不肯羈近者罹憂患顏可如前赤行庭

重徘徊室邇自虛白門外靈巖山一壙聳高幘雨中含笑花冷  
比秋棠泣獨吟日已盡斜陽在山缺南歸良會多坐苦無此客  
我行君且歸枝上一鷺集

紫珊索綠淨園詩五用前韻

好雨夜入山偷染萬柳汁曉霽坐空亭翠滴鬚眉溼我本澹蕩  
人鑑湖乞未得夢借碧山樓夢醒追亡急昨過習家池波頭綠  
於鴨深庭生晝陰叢青密如羃中有櫻桃花弄影獨拖赤頗似  
美少年朱顏正浮白我老空惜春短髮羞脫幘故山松十圍猥  
鶴怨且泣閒居那能賦勝游亦多缺作詩譽嘉樹幸作孟氏客  
我歸君掩關好拒塵轍集

煎茶同上章弟作六用前韻

塗足探荷珠龜手斂雪汁辛苦同嗜好有如魚赴涇盧生通靈  
人我喜並世得茗戰論雌雄火化眎緩急湯沸行大蟹煙生鬪  
寶鴨松風何處來春陰正垂羃捧盃無蛾眉樵青腳可赤鼎熟  
如還丹椀空屢舉白搜觴發正論百辨各岸幘君忽念予仲弟  
寅有同好上章傷離閒歌泣龍團寄未能旅食此物缺知味更  
每茗飲輒念之何人白香山睡後茶興懷揚同州避厄幸少客須臾兩腋輕相  
詩不見揚慕巢誰人知此味挾蓬島集

題上章詩集後七用前韻

太羹薄滋味歆意先薦汁微雲起膚寸積氣普流涇真詩無時  
名寸心知得失秋水濯易盈朝華隕何急僞體鹿蒙虎厖言雞  
伏鳴古學藏微茫之子徹其籥已悟繪後素深防丹奪赤探隱

元之元辯似白謂白良桐安朱絲惡竹刪素幘超解離有無元  
精發歌泣中砥狂瀾倒上補雅詩缺蔣清容先生王述庵先生今作者代  
興必此客大敵敢小言我詩寄弟集

題程之章畫冊八用前韻程同里人有異才以貧棄學故  
進之

畫師多酒人米汁佐墨汁又多出世人辟熱如辟溼不飲亦不  
隱芒角枯腸得遊戲甘同塵能事受迫急短牆立秋花荒塘浴  
春鳴閒情善刻畫真機未蒙釋君學如侯芭君詩過李赤文當  
與太元詩宜追太白志道圃恥衣失路屢頽幘貧於子何傷我  
爲人才泣玉以抵鵲輕劍以補履缺狗人氣不充尤人氣亦客  
英雄有連遭左太冲句勉爲物望集

東王鶴嶼九用前韻

佚游戲虎爪甘言進堇汁獨居求諍友思濁不得溼卅年從君  
游金石古交得追歡時已多攻媿語頗急別來羈冷官甘作不  
飛鳴細雨落簷花寒壓絳紗幕蹇疾久不瘳難覓丹砂赤佳兒  
已有文略慰親頭白君旣誤儒冠我未洗塵幘野鹿得食鳴河  
魚作書泣所期同心言肯補獨居缺立身踰壯年畏人等浮客  
好音倘惠來一解百憂集

書蔣清容丈詩集後卽寄秋竹藕船兩兄十用前韻

風謠與時移律呂待人汁曲終辨鄭雅聲應判燥溼欲言我未  
能詩聖心先得元音太微妙響布如此急霜厲動皋隼波暖聚  
江鳴巧鈴簧漫歛溥出井不羈采風如采玉五瑞棄小赤眞辭

如眞王諸侯拜太白隔面陳俎豆低頭肅衣幘卻痛巫陽召或  
因眞宰泣史館無此筆將憂文獻缺傳業有替人謀食老爲客  
身名好自珍一門各有集古通

贈沈廣文

起鳳

十一倒用前韻

讀君少年詩情綺香奩集聞君晚年論律細杜陵客八門出有  
歸九攻應無缺鑿險眞宰愁通靈衆生泣斯才困儒官臺省負  
冠幘游戲招孫朱宋書樂志魏晉之世有孫氏善曲陳左善清  
歌郝索善箏朱生善琵琶自此以後皆孫朱  
之遺感憤寓科白高眎躡鴻黃返聽驅復赤復赤干根兩蟲神  
名見法苑珠林  
馬時自馳世網那能羈光輝愛蘭英羽毛惜花鴨獨此憐才心  
如彼殉財急扶將古道存沾慨後生得彈指臺已現唾盤珠尚  
溼知慧如可分擊瓶求露汁

題張雪鴻丈敬畫冊並贈十二用前韻

霜鐘氣感聲月鑑光生汁窮谷吹管溫晴天雨花溼君藝疑鬼神君心忘失得遠志去官輕閒情涉園急階除飫鳥雀隣舍習驚鴨賓筵寒無羶吟屋風不羣發興青林青著色赤岸赤俯視楊契丹尚友陶貞白擲筆傾百壺伸紙岸孤憤喜作溪桃笑悲寫江竹泣乞君墨戲妙資我筆陣缺卻惜臥游圖乃贈遠行客無緣感蘇髯不歸笑虞集

寄呈都轉寶谷先生十三用前韻

我初讀君詩如飲百花汁升階賜三升小膽復霑溼高談君不驚知己一已得幸舍幾寒暑去日何太急君以在霄鳳假羽投泥鴨九州自隗始被寒大裘羃相許身後名不貴眼前赤將入

雲霄青

用世說沙門道研語

卻簡門庭白

用何充事

我至頻倒屣我醉屢落幘

禮法容疏狂此意古今泣別來學未荒所憂立身缺敢忘蒲柳

姿中郎坐中客何以報奇賞懷瑜謝蠅集

寄家弟弋真余與弋真別於揚州余歸又將北行而弋真未有歸期也十四用前韻

孤露友蓼蟲適口無甘汁小園櫻桃紅蔗漿不同溼我少無朋  
儔門內子由得長大天一方飢來別離急里門少年場鬪雞兼  
射鵰與子苦下帷破窗擁蘆羃結駟而衣輕同學皆賜赤子車  
不得丹我頭已先白居人又俶裝游子仍敝幘聽雨圍不樂溯  
風忍無泣故鄉米價高甘旨幸無缺勞多懽亦悲會少家如客  
天倘憐往鴻脩然一朝集

附和作

旅人手家書如渴飲璫汁卻聞居者行不覺掩袂溼省君書  
中語喜君學有得自言憂患餘稍能化福急但苦強項存浮  
沈愧鳬鳴君本雲中鶴雀網那能繫知者眼自青嗔者面徒  
赤我如鍛羽雞卻鳴向誰白獨居風雨晨學舞冷搖幘清時  
登俊良敢作抱璞泣所憂佳日負兼恐修名缺諍友在門內  
又作遠游客邗江聽雨處期君三日集

兄書云北行過揚  
當爲弟留三日

客揚州以素冊十幅寫賓谷先生集中詩意自跋一首

黃金鑄賈佛萬遍書韓碑隔世緬風雅況我生同時今代有南  
豐卓然儒林師趨庭受雅訓衍此良弓箕廟堂尚黼黻五色一  
手施上和薰風琴笙簧不足吹帝臯東南財鹽筴重所司詞臣

建風節道路生光儀論富包山海素心不可緇煮波疊晴雪堅  
白乃過之清坐一事無古學日摹追壇坫才樹幟紛紛守其私  
或云尚性靈但自言喜悲或云貴腹笥掎摭到媯媯緣情與述  
古二者非兩歧出入互主奴援古起相疵肝脾失元氣專得骨  
與皮瞽說據膏盲詞術無良醫讀君談藝書親探潛淵驪下筆  
辨體格小家何卑卑豎義要大方選詞刪蔓支一以清氣行風  
水生漣漪嗜奇與好僻公然倆前規夫豈時無名千秋恐難欺  
言言舍利光木佛何能爲金針不吝惜疑信憑羣兒南州美竹  
箭繩尺求師資題襟闕高館良會羅英耆櫨柚並有美桃李鮮  
醜枝李膺開龍門潛虬起幽姿東野與昌黎雲中相追隨劍戟  
森武庫敦槃會黃池公首倡元音揖讓曠與夔積久篇什多萬

象愁鞭箠或如空山雲祇許幽人怡或如秋江潮突憂地軸移  
或如怪石立或如春華滋或若次元黃或若陳鼎彝或若擷幽  
芳采采騷人籬或若去煙火濯濯仙人肌妥貼中程式乃能極  
離披刻畫務瘦削潤乃如膏脂卽景生歡欣因心得欵寄俾我  
失路人誦之軒雙眉約言量氏銘高詞魯史詩俾我研經餘不  
敢輕文詞去年風雪中邗上舟初維階前借盈尺美富得一窺  
文弱如士龍卓響竟有斯我亦詩壇雄對君聲忽雌頗收建大  
齋或許爲偏裨那知焦桐音竟辱中郎知小言等稊稗深刻笑  
聚梨卻念別君來梅實已垂垂白日如逝波我學無進期萬卷  
業未卒難恃寸鐵持讀君五七言可以療我飢轉愁五丁下偷  
取千瑰琦連朝虛館涼微雨搖輕颼竹樹生寒陰置我蒼葭湄

詩境若有合仙凡忘參差昔人繡平原因買五色絲我亦借水  
墨繪此風騷遺豈惟一漏萬得一八九離抄公駢體文並爲來  
者貽蕭方彙抄平生師友隨園圃三叔父異軒穀人雅存季述存南容甫諸君文與君文爲十家四六兩都翼  
六經豈云美麗詞枝棲尚可借去航方遲遲請學芭載酒頻聽  
鼎解頤公不吝三薰我且具一瓊

題賓谷先生西溪漁隱圖

盈盈西子湖佳處漁人住那知西湖西漁家更無數溪上多青  
山招邀詩人來漁父如故人對飲無嫌猜請與山靈盟遲我十  
年餘一棹入溪煙全家來卜居十年不獲來煙波耿宿願蒼生  
要霖雨猿鶴不敢怨丹青得虛曠雲樹生遠愁何堪聽雨人零  
落已山邱君自記與伯氏同游有卜居之願今伯氏歿已三年出山心自清在原意彌惻

此意不可忘更作滄洲憶滄洲渺何許清夢踰西冷一曲款乃  
聲七十二峰青丁姑祠前流是我釣游處君貴思江湖我賤不  
歸去

題賓谷先生賞雨茅屋圖

仕隱事不同邱壑心自遠芳塵踐已曠故陰別未損高館抗遙  
扉虛亭納近巘密石拒奔轍鳴泉赴平阪羈禽倦屢棲野鶴飢  
自飯修竹迎夏長落花感春晚但見微雨生如逢去子返林合  
風徐通雲低山半偃啣杯悅寂寥陳詩展誠懇川途阻洄溯丹  
青慰偃蹇幽賞誰與言尚友有嵇阮

題賓谷先生游攝山圖用江總持游攝山韻

從政悅三餘游藝觀萬肇言乘簿領暇往躡林壑杪幽侶集江

瀕崇尚共雲表悠悠逝波疾冥冥去鴻小喬松鱗作眾斷碣字  
存少彩虹尚雨明虛閣未霜曉涉趣心已清玩化目逾皎行吟  
惜墜葉歸詠動棲鳥騶鳴聲自閒鐘遠韻方曩圖畫偶彷彿契  
合非虛矯何必三空悟始謝六塵擾

賓谷先生戒作詩師退賦三百二十言請開戒先生答詩  
亦三百二十言多押強韻所謂於艱難中出奇麗詩中  
云賓客非魯連誰與解睚眦殆將起懦夫而教之戰也  
不揣不敏並用兩詩韻上先生兼示師退

我昔讀君詩如觀景慶快當代論作者君真楚國大頗恨識面  
遲懷刺造不价君方提勝旅築城受摧敗豈無匹夫勇妄意大  
軍懈公輸攻具盡崇墉那可壞十萬弓齊馘恃我甲無斷揮劍

敵萬人傳檄下諸寨旌門爭膝行升階不敢欬如游佛光中不  
覺自膜拜弟子誰升堂我略識其最詹陳何郭俞同源而異派  
天下之士歸玉帛遠方屈同鄉兩吾宗固是九州銳白庵尚謹  
嚴時復露光怪久之波瀾老故能作砢砢蘭雪真天人眉目妙  
如畫美人願爲死不顧看煞玠奔走南北試遇奇屢落解詩窮  
乃益工一世此才蓋探源風騷始不立唐宋界一字或不著琳  
琅垂金薤鉛山老詩伯我生晚不逮七子伯仲叔可敵迨邁  
叔子交最久切磋相親賴家學自富有深造恥販賣成家不因  
人眞詩幸未殺近復鬪險韻全力出無外賓從皆南金沙磔乃  
不汰二雅据星宿國風收及鄣我從田間來卉服編蒼蒯但明  
童子經僅說書生卦君乃辱收之後塵起顛獐授餐日得飽舊

業思勉勸俗塵填肺肝安得金丹喂平生好師友援古相董戒  
所貴受以需躁進乃易億聞譽韓不喜瞻前顏忽喟歧途防錯  
午棘路刪牽絳按節要安安選材圖介介舉以語同社或嫌吾  
說隘往往一語出凶凶眾目眦嗟哉風雅衰人人弄狡獪龔材  
創交例俚言入詩話真亡鹿蒙虎形失履爲簣一日賦千詩自  
謂脫桎械淺嘗得皮骨浮游斷根蒂妄語等夢蘊虛腹若凋瘵  
此毒中後生其害過蝮蠱此病人膏肓其疾非癰疥三十年作  
者得無暗噓噫安得佛說法一醒世人瞋自我從君游幸得聞  
經唄鐘磬鳴諸天下界息喘喝念茲觀音力納須彌于芥請放  
大光明並照無礙罣千秋業難附一字靈可句奈何欲無言騷  
壇突持戒昨者黔楚間蠶苗持堅砦三矢申天討鏃厲羽不鍛

逆民延秦蜀王師方載旆游魂已在釜我軍足糧糒大功行告  
成天階得清泰元和聖德詩待君奏清籟我詩真小言品可伍  
樊噲請更示蔣侯爲增作詩債

平陽范氏三世節孝詩

一死未足驚衰祚竟何賴死者可復生家國無小大三世皆不  
年鞠凶降已太枯桐支厦傾風雨不能害

范時溫繼妻王氏

承歡忽失聲指爪誤傷姑姑乃慟不已婦瘠我獨腴我姑已無  
子我婦乃無夫爲子兼爲翁卒保范氏孤

時溫子大紳妻吉氏

合藥姑幸瘡守硯兒在襁姑亡兒有成至性天所享或曰麻中  
蓬不扶亦不枉奈何士夫家公卿慙師長

大紳子元芳妻王氏

題畫山水

春色已留人况有泉聲好可憐  
山中人出世苦不早

題畫梅

月耶梅耶仙之人耶曉霜滿天胡不憶家

夏蔬四首

種魚先種茭茭肥魚有子入饌如筍甘水鄉滋味美漸聞秋雨

聲蕭蕭到葭葦

茭

短棚陰不成鳴蟲亦未棘生小影雙雙連莖如比翼那知相思

苦西風滿南國

豇豆

烏牛鞭不行尚憶兒時戲白頭對珍蔬未羨五鼎貴

柳州詩珍蔬折五茄

朋來皆南人略識酪酥味

茄

欲濟川無梁五石徒爾堅學圃求一飽夢游江湖間貽我金錯

刀有美方嫣然

東坡生日禮像賦詩

像爲宋王振鵬畫公立松石間

峨眉終古青不貪寶不壞可憐桺榔材才大天壤隘載酒俯鵲巢謫居聊一快那知七百年茲辰爵爭介誰可晁張雙惜後涪翁拜松石宜霜鬢此意客能畫忠孝延斯文神采照詩界風雪滿長安酒熟餒分噉作詩畏君聞擲筆汗沾背

公洞霄宮詩長松怪石宜霜鬢

又題太白眞詩作一笑君應聞

題邵瑤圃前輩黃葉林中自著書圖卽送其歸餘姚

西風下亭臯林樾何蕭瑟那知觀化胸伸紙萬象茁兀兀守一經四時如一日秋來取其材百穀同茲實

還家昔人重

東坡句

君才直承明春風桃李花殷勤育其英吾生

有千秋高視萬事輕  
蓴鱸不足思  
自愛名山名叢桂  
倚巖幽楓林  
暄晴過時無桓譚  
奇書當自成  
我亦夢故林  
滿山落葉聲

韋左司懷全椒山中道士詩  
落葉滿空山何處尋行跡

經生張訓詁  
詞人附雅頌  
所貴無裨言  
藝別道則共  
聞君論書  
嚴探源語可誦  
樂藻而忘甘

虞喜志林樂春藻之繁華忘秋實之甘口

華繁根未壅

飛蓬滿江湖  
此別定珍重  
何以慰飄零  
書出濟時用

題家玉松先生

雲

歲除游虎邱山寺圖

歲暮羣動息  
幽意山自領  
那知素心人  
涉趣愛餘景  
巖壑聳孤  
潔丹青獻明靚  
鈴鐸固觚稜  
輶轡倦山井  
來者非熱客  
已遜僧  
意冷念彼流光  
促悅此閒情  
永世人逐冶  
遊匆匆倉庚  
請東風  
接肩轂眼底  
乏眞境  
我亦慕林泉  
煩慮苦未屏  
感君歲寒意  
陳

迹足耿耿何時招提游離塵悅禪靜

不灰木爐

西海陰火燃太行六月雪地氣實資之不沃亦不滅偉哉純陽  
精德盛流金鐵何物質幹固頓使汝力竭蕭邱木重燔已灼非  
奇絕獨數徐吾產靈根一種別惜未辭斧斤干霄已拆泄剗中  
鏤其外致用意良屑薪材本同林忽憂剝膚切那知性難爍氣  
焰徒爾烈燧人古神人值此肘應掣丁甲非世婚胡爲亦相悅  
想當焚如初真氣自搏結我聞至人者入火能無燬飲以玉池  
肥慨我初生藥君子處富貴炙手中不熱堅白惟自完百試不  
磨涅高齋積霰晴雄譚茗爐設卽物悟真性詎患干將缺玉壺  
在上頭賓客知清節何必火中蓮更從我佛說

闕題

山色送遙青泉聲出叢翠高深無世情動靜愜初志神山非風  
引去留本如寄勞山多仙人本是釣游地宗華可受經受益在  
百世淡泊還本來無曰歸亦易平生三昧深未能外文藝遙見  
一卷來如逢舊雨至平砭橫如虹未忘津梁意小子歸桑根夙  
業何敢棄岱陽訪絳帷更望授奇字

孫善慶校字  
外孫薛藻槿